



**Konkurentski zahtjev za dostavljanje ponuda**

09/2-3-16-4-37797/15  
Novembar.2015. godine

**PREDMET: Konkurentski zahtjev za dostavu ponuda za javnu nabavku – građevinsko-zanatskih radova – molersko farbarskih radova ulazne partije sa recepcijom, holova u prizemlju sa velikom salom i holova na I spratu sa malom salom za sastanke za potrebe MVP BiH;**

Poštovani,

U ime Ministarstva vanjskih poslova BiH pozivam Vas da dostavite ponudu u postupku konkurentskog zahtjeva za dostavljanje ponuda. Procedura javne nabavke će se obaviti u skladu sa Zakonom o javnim nabavkama Bosne i Hercegovine ("Službeni glasnik BiH» br. 39/14), podzakonskim aktima koji su doneseni u skladu sa Zakonom i ovom tenderskom dokumentacijom.

Sve informacije u vezi sa ovim postupkom možete dobiti od lica koje je ovlašteno da vodi komunikaciju u ime ugovornog organa sa ponuđačima:

Kontakt osoba:	Srdan Vuković
Telefon:	033 281-268
Faks:	033 227-156
e-mail:	srdjan.vukovic@mvp.gov.ba

U skladu sa članom 52. Zakona ne postoje privredni subjekti s kojima Ministarstvo vanjskih poslova Bosne i Hercegovine ne smije sklapati ugovore/okvirne sporazume o javnoj nabavci (u svojstvu ponuđača, člana grupe ponuđača ili podugovarača odabranog ponuđača).

## 1. Predmet nabavke

1.1 Predmet javne nabavke je nabavka građevinsko-zanatskih radova – molersko farbarskih radova ulazne partije sa recepcijom, holova u prizemlju sa velikom salom i holova na I spratu sa malom salom za sastanke za potrebe MVP BiH prema tehničkoj specifikaciji datoj u obrascu za cijenu ponude koja je sastavni dio konkurentskog zahtjeva.

CPV –45442100-8.

Obavještenje o nabavci objavljeno na Portalu javnih nabavki dana 27.11.2015.godine

**Predviđa se zaključivanje Ugovora sa jednim ponuđačem.**

## **2. Uslovi za učešće i potrebni dokazi**

2.1 Da bi ste učestvovali u proceduri konkretnog postupka javne nabavke, dužni ste uz obrazac za ponudu (Aneks II) obrazac za cijenu ponude (Aneks III), izjavu iz člana 52. ZJN (Aneks V), popunjen nacrt Ugovora (Aneks VI) dostaviti i slijedeće dokumente:

U svrhu dokazivanja lične sposobnosti (član 45. Zakona) ponuđač je dužan dokazati da:

- a) u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u Bosni i Hercegovini ili zemlji u kojoj je registriran;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u Bosni i Hercegovini ili zemlji u kojoj je registriran;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili zemlji u kojoj je registriran;
- d) je ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran.

**Ponuđač, u svrhu dokazivanja uvjeta iz tačke 2.1. od a) do d) ove TD, dužan je dostaviti popunjenu i ovjerenu kod nadležnog organa (organ uprave ili notar) izjavu iz Aneksa IV ove TD. Izjava ne smije biti starija od 15 (petnaest) dana od dana dostavljanja ponude.**

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji **bude odabran** kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi, i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registriran;
- c) potvrde nadležne poreske uprave ili ukoliko se radi o ponuđaču koji nije registriran u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) potvrde nadležne/ih institucija o uredno izmirenim obavezama po osnovu direktnih i

indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. **Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude.** Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

U skladu sa članom 45. stav (5) Zakona, ugovorni organ će odbiti ponudu, ako na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

2.2 U skladu sa članom 46. Zakona, ponuđač treba biti registriran u odgovarajućem profesionalnom ili drugom registru zemlje za obavljanje profesionalne djelatnosti, koja je u vezi s predmetom nabavke djelatnosti iz koje je predmet ove nabavke. Ponuđač, u svrhu dokaza o ispunjavanju uvjeta iz člana 46. Zakona, **dužan je dostaviti:**

- **aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnosti koja je predmet ove nabavke. Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude (pod danom dostavljanja ponude smatra se datum, koji je ugovorni organ, odredio u TD kao rok za dostavljanje ponuda).**

2.4 U skladu sa članom 52. Zakona, kao i sa drugim važećim propisima u BiH, ugovorni organ će odbiti ponudu ukoliko je ponuđač koji je dostavio ponudu, dao ili namjerava dati sadašnjem ili bivšem zaposleniku ugovornog organa poklon u vidu novčanog iznosa ili u nekom drugom obliku, u pokušaju da izvrši uticaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavijestiti ponuđača i Agenciju za javne nabavke o odbijanju ponude, te o razlozima za to i o tome će napraviti zabilješku u izvještaju o postupku nabavke.

Ponudač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. **Izjava je prilog tenderskoj dokumentaciji (Aneks V).**

### 3. Zahjevi po pitanju jezika

Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Štampana literatura, brošure, katalogi ili slično koje dostavlja ponuđač ne moraju biti prevedeni.

### 4. Priprema ponuda

4.1 Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove.

4.2 Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati.

4.3 Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se dostavlja zajedno sa originalom u jednoj kovrti ili u dvije odvojene kovrte koje su opet upakovane u jednu zajedničku kovrtu ili paket.

Kovrta sa ponudom se dostavlja na adresu ugovornog organa:

MINISTARSTVO VANJSKIH POSLOVA BIH  
UL. MUSALA BR.2  
71000 SARAJEVO

Na kovrti ponude mora biti naznačeno:

**„Ponuda za nabavku molersko-farbarskih za potrebe MVP BiH broj nabavke : 09/2-3-16-4-37797/15- ne otvarati“.**

- naziv i adresa ponuđača u lijevom gornjem uglu kovrte,

4.4 Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude. Ponuđač može u istom roku

odustati od svoje ponude, dostavljanjem ugovornom organu pisane izjave. Pisana izjava se dostavlja na isti način kao i ponuda, sa naznakom da se radi o odustajanju od ponude. U tom slučaju ponuda će biti vraćena ponuđaču neotvorena.

## 5. Rok za dostavljanje ponuda

Rok za dostavljanje ponuda je **14.12.2015.godine do 10 sati**. Javno otvaranje ponuda će se održati **14.12.2015. godine u 10:15 sati**, u prostorijama ugovornog organa, adresa Musala br. 2 (Velika sala). Ponuđači ili njihovi ovlašteni predstavnici, kao i sva druga zainteresovana lica mogu prisustvovati otvaranju ponuda. Informacije koje se iskazuju u toku javnog otvaranja ponuda će se dostaviti svim ponuđačima koji su u roku dostavili ponude putem zapisnika sa otvaranja ponuda, odmah, a najkasnije u roku od 3 dana.

Na javnom otvaranju ponuda prisutnim ponuđačima će se saopštiti sledeće informacije:

- naziv ponuđača
- ukupna cijena navedena u ponudi
- popust naveden u ponudi, ako je posebno iskazan

Predstavnik ponuđača koji želi zvanično učestvovati na otvaranju ponuda treba prije otvaranja ponuda Komisiji dostaviti punomoć za učešće na javnom otvaranju u ime privrednog subjekta-ponuđača. Ukoliko nema zvanične punomoći ponuđač može kao i ostala zainteresovana lica prisustvovati javnom otvaranju ali bez prava potpisa zapisnika ili preduzimanja bilo kojih pravnih radnji u ime ponuđača.

## 6. Kriterij dodjele ugovora i cijena

6.1 Ugovor se dodjeljuje ponuđaču koji je ponudio najnižu ukupnu cijenu tehnički zadovoljavajuće ponude.

6.2 Ugovorni organ će u svrhu poređenja ponuda primjeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Savjeta ministara Bosne i Hercegovine.

U svrhu poređenja ponuda, ugovorni organ će umanjiti cijene domaćih ponuda za preferencijalni faktor od 15% za ugovore koji se dodjeljuju u 2015. i 2016. godini,

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50% vrijednosti ponuđenih roba imaju porijeklo iz BiH, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

## 7. Obavještenje o dodjeli

Svi ponuđači će biti obaviješteni o odluci ugovornog organa o rezultatu postupka javne nabavke u roku od 7 (sedam) dana od dana donošenja odluke, i to elektronskim sredstvom, faksom,

poštom ili neposredno. Uz obavještenje o rezultatima postupka ugovorni organ će dostaviti ponuđačima odluku o izboru najpovoljnije ponude ili poništenju postupka, kao i zapisnik o ocjeni ponuda.

## 8. Zaključenje ugovora i podugovaranje

Okvirni sporazum će se zaključiti u skladu sa uslovima iz tenderske dokumentacije i prihvaćene ponude i Zakonom o obligacionim odnosima.

Ponuđačima je dozvoljeno podugovaranje, u skladu sa uslovima propisanim članom 73. Zakona. Ponuđač koji ima namjeru podugovaranja dužan je u obrascu za ponudu navesti naziv podgovarača i/ili dio okvirnog sporazuma koji namjerava dati u podugovor (najmanje jednu od ove dvije informacije, čime je izrazio namjeru podugovaranja).


## 9. Informacije o zaštiti prava ponuđača

U slučaju da je ugovorni organ u toku postupka javne nabavke izvršio povredu odredbi Zakona ili podzakonskih akata, imate pravo uložiti žalbu ugovornom organu, na način i u rokovima propisanim članom 99. i 101. Zakona.

Za sve što nije predviđeno ovim konkurentskim zahtjevom, primjenjuju se direktno odredbe Zakona o javnim nabavkama BiH i podzakonskih akata.

Aneksi:

- Aneks 1 - Obavještenje o nabavci
- Aneks 2 – obrazac za ponudu
- Aneks 3 – obrazac za cijenu ponude
- Aneks 4 – Izjava o ispunjenosti člana 45. Zakona
- Aneks 5 – Izjava o sukobu interesa iz člana 52. Zakona
- Aneks 6 - Nacrt ugovora



**OBAVJEŠTENJE O NABAVCI**  
**253-7-3-54-3-30/15**

**ODJELJAK I: UGOVORNI ORGAN**

**I 1. Podaci o ugovornom organu**

Naziv MINISTARSTVO VANJSKIH POSLOVA BOSNE I HERCEGOVINE

IDB/JIB 4200950590002

Kontakt osoba Srđan Vuković

Adresa Musala 2

Poštanski broj 71000 Sarajevo (bhp)

Općina/Grad Sarajevo Centar (Sarajevo)

Telefon (033) 281-268

Faks (033) 227-156

Elektronska pošta srdjan.vukovic@mvp.gov.ba

Internet adresa www.mfa.gov.ba

**I 2. Adresa preuzimanja/dostave zahtjeva za tendersku dokumentaciju**

Kao pod I 1.

**I 3. Adresa za prijem ponuda/zahtjeva za učešće**

Kao pod I 1.

**I 4. Adresa za dodatne informacije**

Kao pod I 1.

**I 5. Vrsta ugovornog organa, nivo i glavna djelatnost**

I 5.a. Vrsta

Institucija vlasti iz člana 4. stav (1) tačka a) ZJN

I 5.b. Nivo

Adresa: Maršala Tita 9a/I

Telefon: (033) 251-590

Faks: (033) 251-595

E-mail: ejn@javnenabavke.gov.ba

Web: https://www.ejn.gov.ba

**Datum i vrijeme slanja obavještenja na objavu:** 27.11.2015. u 14:05

Državni nivo

I 5.c. Djelatnost

Izvršna vlast

**I 6. Zajednička nabavka** Ne

**I 7. Nabavka u ime drugih ugovornog organa?** Ne

**ODJELJAK II: PREDMET UGOVORA**

**II 1. Vrsta ugovora**

Radovi, Završni građevinski radovi, Podne i zidne obloge

**II 2. Podjela na lotove** Ne

**II 3. Da li se namjerava zaključiti okvirni sporazum?** Ne

**II 4. Opis**

II 4.a. Naziv predmeta ugovora

Građevinsko-zanatski i molersko - farbarski radovi

II 4.b. Kratak opis predmeta ugovora

Nabavka građevinsko - zanatskih radova, molersko-farbarskih radova ulazne partije sa recepcijom, holova u prizemlju sa velikom salom i holova na I spratu sa malom salom za sastanke, za potrebe MVP BiH

II 4.c. Jedinstveni rječnik javne nabavke (JRJN)

Glavni rječnik

Kod Opis

Glavni predmet 45442100-8 Soboslikarski radovi

**II 5. Podaci o Sporazumu o javnoj nabavci**

II 5.a. Da li je ugovor obuhvaćen Sporazumom o javnoj nabavci (GPA)? Ne

**II 6. Ukupna količina ili obim ugovora 21.368,00**

II 6.a. Procijenjena ukupna vrijednost ugovora bez PDV-a u KM 21368,00

**II 7. Mjesto isporuke roba ili izvršenja usluga ili izvođenja radova**

Zgrada MVP BiH, Musala br. 2 71000 Sarajevo

**II 9. Trajanje ugovora ili rok izvršenja do 31.12.2015**

**ODJELJAK III: PRAVNE, EKONOMSKE I TEHNIČKE INFORMACIJE**

**III 1. Da li se zahtijeva garancija za ponudu? Ne**

**III 2. Da li se zahtijeva garancija za izvršenje ugovora? Ne**

**III 3. Bitni uslovi finansiranja i plaćanja ili upućivanje na odgovarajuće propise**

Navedeno u tenderskoj dokumentaciji

**III 4. Ograničenja za učešće**

Navedeno u tenderskoj dokumentaciji

**III 5. Sposobnost za obavljanje profesionalne djelatnosti**

Navedeno u tenderskoj dokumentaciji

**III 6. Ekonomska i finansijska sposobnost**

Navedeno u tenderskoj dokumentaciji

**III 7. Tehnička ili profesionalna sposobnost**

Navedeno u tenderskoj dokumentaciji

**III 8. Rezervisan ugovor Ne**

**III 9. Posebni uslovi za ugovore o radovima**

III 9.a. Izvođenje radova ograničeno za određenu profesiju Ne

III 9.b. Pravne osobe moraju naznačiti imena i stručnu kvalifikaciju osoba odgovornih za izvođenje radova Ne

**ODJELJAK IV: POSTUPAK**

**IV 1. Vrsta postupka Konkurentski zahtjev**

**IV 2. Kriterij za dodjelu ugovora Najniža cijena**

**IV 3. Uslovi preuzimanja/dostave zahtjeva za tendersku dokumentaciju**

IV 3.a. Tenderska dokumentacija je objavljena na portalu javnih nabavki? Ne

IV 3.b. Može se obezbijediti/dostaviti zahtjev do 14.12.2015.

**IV 5. Da li je objavljeno prethodno informacijsko obavještenje? Ne**

**IV 6. Rok za prijem ponuda/zahtjeva za učešće**

Datum i vrijeme 14.12.2015. 10:00:00

**IV 7. Rok, adresa i mjesto otvaranja ponuda**

Datum i vrijeme 14.12.2015. 10:15:00

Adresa i mjesto Musala br. 2, 71000 Sarajevo, zgrada MVP BiH

**ODJELJAK V: DODATNE INFORMACIJE**

Ukoliko ponuđači preuzmu TD na web stranici ugovornog organa, obavezno je pismeno obavještenje ugovornom organu da je preuzeta TD, kao i datum i vrijeme preuzimanja TD. Ponuđači koji preuzmu TD, a ne obavijeste pismeno ugovorni organ da su istu preuzeli, smatrat će se da nisu preuzeli TD i njihova ponuda će se odbaciti kao nedopuštena;

fr



**OBRAZAC ZA PONUDU**

Aneks II

strana 1 od 2

**Broj nabavke: 09/2-3-16-4-37797/15**

**Broj obavještenja na Portalu javnih nabavki:**

**Broj ponude:** \_\_\_\_\_

**Datum:** \_\_\_\_\_

**UGOVORNI ORGAN:**

<b>Naziv ugovornog organa</b>	MINISTARSTVO VANJSKIH POSLOVA BIH
<b>Adresa</b>	MUSALA br. 2
<b>Sjedište</b>	71000 SARAJEVO

**PONUĐAČ** (ako se radi o grupi ponuđača, u rubrici za člana grupe potrebno je navesti naziv člana grupe, adresu i JIB, a ostali navedeni podaci se odnose na ovlaštenog predstavnika grupe):

Naziv i sjedište ponuđača (ovlašteni predstavnik grupe ponuđača)	
Naziv, adresa i JIB za svakog člana grupe ponuđača (ukoliko se radi o grupi ponuđača)	
Adresa	
IDB/JIB	
Broj žiro računa	
Da li je ponuđač je u sistemu PDV:	
Adresa za dostavu pošte	
E – mail	
Kontakt osoba	
Broj telefona	
Broj faksa	

**IZJAVA PONUĐAČA**

U postupku javne nabavke koji ste pokrenuli objavom na Portalu javnih nabavki dana 27.11.2015. godine, dostavljamo vam ponudu i izjavljujemo sledeće:

**1. CIJENA PONUDE**

Ukupna cijena naše ponude iznosi:

Ukupna cijena bez PDV-a: \_\_\_\_\_ KM ili slovima \_\_\_\_\_

PDV (17%): \_\_\_\_\_ KM ili slovima \_\_\_\_\_

Ukupna cijena sa PDV-om: \_\_\_\_\_ KM ili slovima \_\_\_\_\_

**2. PODUGOVARANJE (ukoliko ponuđač ima namjeru podugovaranja)**

Naziv i sjedište podugovarača: \_\_\_\_\_  
i/ili dio ugovora koji se namjerava podugovarati: \_\_\_\_\_

**3. Prihvatao sve uslove definisane ovom tenderskom dokumentacijom bez ikakvih rezervi i ograničenja. U prilogu dostavljamo obrazac za cijenu ponude koji je popunjen u skladu sa zahtjevima iz tenderske dokumentacije. U slučaju razlike u cijenama iz ove izjave i obrasca za cijenu ponude, relevantna je cijena iz obrasca za cijenu ponude.**

M.P.

**OVLAŠTENO LICE PONUĐAČA**

\_\_\_\_\_  
(ime i prezime)

\_\_\_\_\_  
(potpis)

## PREDMJER GRAĐEVINSKO ZANATSKIH RADOVA -MOLERSKO - FARBARSKI RADOVI

Red br	Vrsta rada	Jed. Mj.	Količina	Ukupna jedinična cijena /KM/	Ukupna cijena /KM/
1.	<b>Pozicija 1</b> <b>Dijelovi zidova glavnog ulaza i recepcije</b> Ukloniti postojeću dekorativnu masu sa zidova te pripremiti površinu za nanošenje novih slojeva. Na pripremljenu površinu nanijeti strukturnu disperzijsku boju za punjenje u 2 premaza a koja je klasa postojanosti na vlažno brisanje 2 prema DIN EN 13 300 te ispitana na emisiju štetnih tvari. Nakon sušenja strukturne boje za punjenje na zid nanijeti mat premaz sa višebojnim pahuljicama koji je otporan na grebanje i udare, bez otapala, postojan na svjetlo, dobro se čisti te otporan na mehanička naprezanja kao i te ispitan na emisiju štetnih tvari, u tonu prema izboru Investitora. Cijenom obuhvatiti sve potrebne predradnje, radnje te potrebnu skelu, a u skladu sa postojećim stanjem na objektu.	m2	70,00		
2.	<b>Pozicija 2</b> <b>Obrada stropova prizemlja, 1.sprata uključujući stropove stepeništa</b> Izvršiti pripremu podloge te sanaciju mikropukotina. Na pripremljenu i saniranu podlogu nanijeti impregnaciju na bazi akrilatne disperzije koja će regulisati upojnost i dodatno učvrstiti podlogu. Impregnacija mora biti bez otapala, omekšivača i isparavanja, ispitana na emisiju štetnih tvari, sposobnost da se stvrdnjava se na površini, da ima sposobnost prodiranja u dubinu te sposobnost prianjanja na podlogu. Nakon sušenja impregnacije valjkom u 2 premaza na stropove nanijeti unutrašnju mat disperzivnu akrilatnu boju za interijere, ispitanu s obzirom na štetne tvari, razreda otpornosti na mokru abraziju 1 i razreda prekrivnosti 2 prema EN 13300. Raspored tonova boje na stropu treba da prati postojeće stanje uz izbor tonova od strane Investitora. Cijenom obuhvatiti sve potrebne predradnje, radnje te potrebnu skelu, a u skladu sa postojećim stanjem na objektu.	m2	658,40		

Red br	Vrsta rada	Jed. Mj.	Količina	Ukupna jedinična cijena /KM/	Ukupna cijena /KM/
3	<b>Pozicija 3</b> <b>Obrada zidova prizemlja, 1.sprata uključujući zidove stepeništa</b> Izvršiti pripremu podloge te sanaciju mikropukotina. Na pripremljenu i saniranu podlogu nanijeti impregnaciju na bazi akrilatne disperzije koja će regulisati upojnost i dodatno učvrstiti podlogu. Impregnacija mora biti bez otapala, omekšivača i isparavanja, ispitana na emisiju štetnih tvari, sposobnost da se stvrdnjava se na površini, da ima sposobnost prodiranja u dubinu te sposobnost prianjanja na podlogu. Nakon sušenja impregnacije valjkom u 2 premaza na stropove nanijeti unutrašnju mat disperzivnu akrilatnu boju za interijere, ispitana s obzirom na štetne tvari, razreda otpornosti na mokru abraziju 1 i razreda prekrivnosti 2 prema EN 13300. Raspored tonova boje na zidovima treba da prati postojeće stanje uz izbor tonova od strane Investitora. Cijenom obuhvatiti sve potrebne predradnje, radnje te potrebnu skelu, a u skladu sa postojećim stanjem na objektu.	m2	1.907,46		
4	<b>Pozicija 4</b> <b>Obrada zidova i stropova male i velike sale.</b> Izvršiti pripremu podloge te sanaciju mikropukotina. Na pripremljenu i saniranu podlogu nanijeti impregnaciju na bazi akrilatne disperzije koja će regulisati upojnost i dodatno učvrstiti podlogu. Impregnacija mora biti bez otapala, omekšivača i isparavanja, ispitana na emisiju štetnih tvari, sposobnost da se stvrdnjava se na površini, da ima sposobnost prodiranja u dubinu te sposobnost prianjanja na podlogu. Nakon sušenja impregnacije valjkom u 2 premaza na zidove i stropove nanijeti unutrašnju mat disperzivnu boju u bijelom tonu koja je ispitana na emisiju štetnih tvari, pokrivne snage 1 prema EN 13300. Ton boje - bijeli. Cijenom obuhvatiti sve potrebne predradnje, radnje te potrebnu skelu, a u skladu sa postojećim stanjem na objektu.	m2	600,16		
UKUPNO KM BEZ PDV-a:					
PDV 17%:					

Red br	Vrsta rada	Jed. Mj.	Količina	Ukupna jedinična cijena /KM/	Ukupna cijena /KM/
UKUPNO KM SA PDV-om:					

## Aneks IV

### Izjava o ispunjenosti uvjeta iz člana 45. stav (1) tačka od a) do d) Zakona o javnim nabavkama („Službeni glasnik BiH“ broj: 39/14)

Ja, niže potpisani \_\_\_\_\_ (ime i prezime), sa ličnom kartom broj: \_\_\_\_\_ izdatom od \_\_\_\_\_, u svojstvu predstavnika privrednog društva ili obrta ili srodne djelatnosti \_\_\_\_\_ (navesti naziv privrednog društva ili obrta ili srodne djelatnosti), ID broj: \_\_\_\_\_, čije sjedište se nalazi u \_\_\_\_\_ (grad/općina), na adresi \_\_\_\_\_ (ulica i broj), kao ponuđač u postupku javne nabavke \_\_\_\_\_ (navesti tačan naziv i vrstu postupka javne nabavke), a kojeg provodi ugovorni organ \_\_\_\_\_ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: \_\_\_\_\_ u „Službenom glasniku BiH“ broj: \_\_\_\_\_, a u skladu sa članom 45. stavovima (1) i (4) pod punom materijalnom i kaznenom odgovornošću

### IZJAVLJUJEM

Ponuđač \_\_\_\_\_ u navedenom postupku javne nabavke, kojeg predstavljam, nije:

- a) pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registriran,
- b) pod stečajem ili je predmetom stečajnog postupka ili je pak predmetom postupka likvidacije,
- c) propustio ispuniti obaveze u vezi s plaćanjem penzionog i invalidskog osiguranja izdravstvenog osiguranja u skladu sa važećim propisima u BiH ili zemlji u kojoj je registriran,
- d) propustio ispuniti obaveze u vezi s plaćanjem direktnih i indirektnih poreza u skladu sa važećim propisima u BiH ili zemlji u kojoj je registriran.

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje, izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona

hr

o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravnu osobu) i od 200,00 KM do 2.000,00 KM za odgovornu osobu ponuđača.

Također, izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

\_\_\_\_\_

(ime i prezime)

Mjesto i datum davanja izjave:

\_\_\_\_\_

Potpis i pečat nadležnog organa:

\_\_\_\_\_

M.P.

**Aneks V**  
**Izjava iz člana 52. Zakona o javnim nabavkama**

Ja, niže potpisani \_\_\_\_\_ (ime i prezime),  
sa ličnom kartom broj: \_\_\_\_\_ izdatom od \_\_\_\_\_, u  
svojevremeno predstavnika privrednog društva ili obrta ili srodne  
djelatnosti \_\_\_\_\_ (navesti naziv privrednog  
društva ili obrta ili srodne djelatnosti), ID broj: \_\_\_\_\_,  
čije sjedište se nalazi u \_\_\_\_\_ (grad/općina),  
na adresi \_\_\_\_\_ (ulica i broj), kao ponuđač u  
postupku javne nabavke \_\_\_\_\_ (navesti  
tačan naziv i vrstu postupka javne nabavke), a kojeg provodi ugovorni organ  
\_\_\_\_\_ (navesti tačan naziv ugovornog  
organa), za koje je objavljeno obavještenje o javnoj nabavci broj:  
\_\_\_\_\_ u „Službenom glasniku BiH“ broj: \_\_\_\_\_, a u skladu sa  
članom 45. stavovima (1) i (4) pod punom materijalnom i kaznenom odgovornošću

**IZJAVLJUJEM**

1. Nisam ponudio mito ni jednoj osobi uključenoj u proces javne nabavke, u bilo kojoj fazi procesa javne nabavke.
2. Nisam dao, niti obećao dar ili neku drugu povlasticu službenoj ili odgovornoj osobi u ugovornom organu, uključujući i stranu službenu osobu ili međunarodnog službenika, u cilju obavljanja u okviru službene ovlasti radnje koje ne bi trebalo da izvrši, ili se suzdržava od vršenja djela koje treba izvršiti, on ili neko ko posreduje pri takvom podmićivanju službene ili odgovorne osobe.
3. Nisam dao ili obećao dar ili neku drugu povlasticu službenoj ili odgovornoj osobi u ugovornom organu uključujući i stranu službenu osobu ili međunarodnog službenika, u cilju da obavi u okviru službene ovlasti radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima u BiH.

Izjavu dao (ime i prezime): \_\_\_\_\_

Mjesto i datum davanja izjave: \_\_\_\_\_



## UGOVOR

### o izvođenju građevinsko-zanatskih radova-molersko-farbarskih radova u zgradi MVP BiH

Zaključen u Sarajevu, dana \_\_\_\_\_ 2015. godine, između:

- **Bosna i Hercegovina, Ministarstvo vanjskih poslova**, (Musala 2, Sarajevo),  
zastupano po ministru vanjskih poslova Crnadak Igoru (u daljnjem tekstu: ugovorni organ)

- \_\_\_\_\_ sa sjedištem u ul. \_\_\_\_\_ zastupano po  
(naziv firme) (adresa)  
\_\_\_\_\_ (u daljnjem tekstu: izvođač).

(Obavezno ispuniti dole navedeno)

Registarski broj: \_\_\_\_\_

Transakcijski račun kod banke: \_\_\_\_\_

Identifikacioni broj: \_\_\_\_\_

Identifikacioni broj PDV: \_\_\_\_\_

Poreski broj: \_\_\_\_\_

#### Član 1.

##### (Predmet ugovora)

Predmet ovog Ugovora je izvođenje građevinsko-zanatskih radova i uređenje dijela objekta MVP BiH, za potrebe Ministarstva vanjskih poslova BiH, nakon provedenog konkurentskog postupka za dostavljanje ponuda broj: 09/2-3-16-4-37797/15 kao i Odluke ministra broj: od \_\_\_\_\_ 2015. godine, a na preporuku Komisije za javne nabavke Ministarstva vanjskih poslova BiH i ponude dobavljača broj: \_\_\_\_\_ od \_\_\_\_\_ 2015. godine, koja je ocijenjena na osnovu kriterija najniže cijene tehnički zadovoljavajuće ponude, te je i sastavni dio ovog ugovora.

#### Član 2.

##### (Obaveze ugovornog organa)

Pored obaveza koje su predviđene važećim propisima, ovim ugovorom ugovorni organ je obavezan:

1. Uvesti izvođača u posao, što se potvrđuje upisom u građevinski dnevnik i sačinjavanje posebnog Protokola, najkasnije 15 (petnaest) dana od potpisivanja ugovora;
2. Osigurati stručni nadzor nad izvođenjem radova, donošenjem posebnog rješenja za nadzorni organa (u daljem tekstu: nadzorni organ) koje donosi ugovorni organ;

### Član 3. (Obaveze izvođača)

Pored obaveza koje su predviđene važećim propisima i ovim ugovorom izvođač radova je obavezan:

1. Početi sa izvođenjem radova danom uvođenja u posao, što će biti konstatovano upisom u građevinski dnevnik;
2. Pismeno odrediti odgovornog rukovodioca radova;
3. Izvesti ugovorene radove stručno i kvalitetno prema Ponudi iz člana 1. ugovora, a u skladu sa važećim tehničkim normativima i standardima;
4. Ugraditi kvalitetan materijal i opremu po tehničkom opisu i standardima;
5. Pravovremeno preduzimati sigurnosne mjere sa aspekta protiv požarne zaštite i zaštite na radu;
6. Izvršiti svaki eventualni nalog nadzornog organa u pogledu obustave rada, koji bi mogli ugroziti sigurnost ljudi i objekta;
7. Voditi svu gradilišnu dokumentaciju predviđenu zakonima, tehničkim propisima (građevinski dnevnik, građevinska knjiga i dr.);
8. Obezbjediti ugovornom organu безусловnu garanciju banke za ukupan iznos avansa, kako je to precizirano ovim ugovorom (član 12.);
9. Obezbjediti ugovornom organu безусловnu garanciju banke u visini 20 % ukupne vrijednosti ugovora bez PDV-a, kako je to precizirano ovim ugovorom (član 13.);
10. Obezbjediti ugovornom organu безусловnu garanciju banke u visini 10 % ukupne vrijednosti ugovora bez PDV-a, kako je to precizirano ovim ugovorom (član 14.);
11. Izvođač ne smije odstupiti od Projekta i ostale dokumentacije, osim u slučajevima ako ugovorni organ i nadzorni organ daju pismenu saglasnost;
12. Izvođač je dužan da u toku radova traži od ugovornog organa-nadzornog organa sva potrebna objašnjenja u pogledu investiciono-tehničke dokumentacije, tehničkih uslova, načina izvršavanja ugovorenog posla i eventualne izmjene u ugradnji ugovorenog materijala;
13. Izvođač je dužan upozoriti ugovornog organa na eventualne greške ili nedostatke u Projektu u pogledu sigurnosti i stabilnosti objekta i to prije ili u toku izvođenja radova;
14. Materijal mora odgovarati zahtjevima iz ponude (po opisima iz tenderske dokumentacije), važećim standardima i normativima, odnosno kvalitetu utvrđenom

atestom ili propisima i ne smije biti ispod dozvoljenog kvaliteta. Ako izvođač po sopstvenom nađenju, bez saglasnosti ugovornog organa, ugradi materijal koji je kvalitetno bolji ili više cijene od ugovorene, nema pravo na posebnu naknadu;

15. Izvođač je dužan da čuva objekat i izvedene radove do uredne primopredaje ugovornom organu;
16. Dostaviti svoj detaljan dinamički plan svih aktivnosti u skladu sa specificiranim poslovima (plan rada) do zaključenja ugovora;
17. Pravovremeno preduzimati mjere za sigurnost objekta, radova, opreme i materijala, zaposlenika, prolaznika, saobraćaja susjednih objekata i okoline.

#### **Član 4.** **(Vrijednost ugovora)**

Cijena za izvršenje radova, iz člana 1. ovog Ugovora na lokaciji ugovornog organa, bez uključenog PDV-a iznosi:

\_\_\_\_\_ KM  
Slovima : ( \_\_\_\_\_ i /100KM)

PDV po stopi od 17 % iznosi:

\_\_\_\_\_ KM  
Slovima: ( \_\_\_\_\_ i /100KM)

Ukupna vrijednost za radove iz člana 1. ovog Ugovora sa uračunatim PDV-om iznosi:

\_\_\_\_\_ KM  
Slovima: ( \_\_\_\_\_ i /100 KM)

Ugovorene jedinične cijene su fiksne i ne mogu se mijenjati ni pod kojim uslovima.

#### **Član 5.** **(Obračun, plaćanje i način plaćanja)**

Ugovorni organ će izvođaču vršiti plaćanje na sljedeći način:

30 % ugovorene vrijednosti u vidu avansa.

Iznos bez uključenog PDV-a što iznosi:

\_\_\_\_\_ KM

Slovima: ( \_\_\_\_\_ i /100 KM)

PDV po stopi od 17 % iznosi:

\_\_\_\_\_ KM

Slovima: ( \_\_\_\_\_ i /100 KM)

Ukupna vrijednost avansa sa uračunatim PDV-om iznosi:

\_\_\_\_\_ KM

Slovima: ( \_\_\_\_\_ i /100 KM)

Avans će biti plaćen u roku od 15 dana od obostranog potpisa ugovora na osnovu ispostavljenog računa od strane izvođača, odnosno dostave bezuslovne bankovne garancije na gore navedeni iznos i bankovne garancije za dobro izvršenje posla.

Izvođač će pravdati primljeni avans, ispostavljenim i ovjerenim situacijama.

Obračun po ispostavljenoj situaciji izvedenih radova izvršit će se na osnovu ovjerenih količina izvedenih radova u građevinskoj knjizi i ugovorenih jedničnih cijena.

Nadzorni organ ovjerava ispostavljene situacije, odnosno utvrđuje izvršenje radova, uz saglasnost predstavnika ugovornog organa.

Izvođač je dužan, radi plaćanja ovjerenu situaciju/ račun predati/dostaviti na adresu: Ministarstva vanjskih poslova BiH, ulica Musala broj 2, 71000 Sarajevo.

Isplatu ostatka ugovorenih radova, ugovorni organ će plaćati izvođaču na osnovu ispostavljenih i ovjerenih situacija u roku do 15 dana od prijema ispravnog računa.

Ugovorni organ i izvođač će pismeno ovlastiti osobe koje će u njihovo ime potpisivati situacije.

Rok plaćanja teče od ispostavljanja ispravnog računa.

Ugovorni organ ne odgovara za kašnjenja u plaćanju računa, ukoliko izvođač, uz račun nije blagovremeno dostavio neophodnu dokumentaciju.

## Član 6.

### (Nadzor)

Ugovorni organ ima pravo stručne kontrole- nadzora za vrijeme izvođenja radova u pogledu kvalitete izvršenih radova, ugrađenog materijala, a izvođač je dužan omogućiti mu potrebne informacije.

Nadzor nad izvršenjem radova ispred ugovornog organa će voditi:

---

Ugovorni organ će posebnim aktom imenovati Voditelja ugovora koji će u saradnji sa nadzorom iz ovog člana Ugovora pratiti realizaciju ugovora i obavijestiti ugovornog organa o realizaciji ugovora i tehničkoj kvaliteti izvršenih radova.

## Član 7.

### (Rok izvršenja radova)

Izvođač se obavezuje da sve radove iz ovog ugovora izvrši stručno i kvalitetno u roku do 20 (dvadeset) kalendarskih dana od dana uvođenja u posao, a prema dinamičkom planu izvođenja radova koji je sastavni dio ovog ugovora, obezbjeđujući tehnički kontinuitet izvođenja pojedinih faza radova.

Radovi će se izvršiti na lokalitetu ugovornog organa.

## Član 8.

### (Viškovi, nepredviđeni i naknadni radovi)

Izvođač se obavezuje izvesti viškove radova, kao i nepredviđene radove na objektu iz člana I. ovog ugovora, koji se pojave u toku građenja, na način predviđen odredbama ovog ugovora.

Viškovi radova, nepredviđeni, mogu iznositi do 10 % od vrijednosti ovog ugovora, a cijene takvih radova će biti u skladu sa jediničnim cijenama utvrđenim u ugovoru za takve radove ili prosječnim tržišnim cijenama radova (nepredviđeni radovi) za koje u ugovoru nisu utvrđene cijene.

Ugovorne strane će na osnovu ponude izvođača usaglasiti cijene nepredviđenih radova i o tome zaključiti aneks ugovora.

Viškovi radova, nepredviđeni radovi, mogu se izvoditi samo uz odobrenje ugovornog organa i nadzornog organa.

Obaveza je ugovornog organa i izvođača radova da (najkasnije) do konačnog obračuna verificiraju viškove i nepredviđene radove zaključenjem aneksa ugovora na bazi odobrenja za viškovima radova, nepredviđenim radovima.

Viškovi radova, nepredviđeni radovi koji prelaze 10 % ne mogu se izvoditi bez prethodno provedene procedure odobravanja shodno ovom članu i provođenja postupka nabavke predviđenog Zakonom o javnim nabavkama BiH.

Ukoliko izvođač izvede dodatne-nepredviđene radove bez saglasnosti ugovornog organa, isti terete izvođača.

#### **Član 9.**

##### **(Ugovorna kazna, naknada štete)**

Ukoliko izvođač propusti da izvrši radove u okviru ugovorenog roka iz člana 7. izvođač će platiti ugovornom organu ugovornu kaznu u iznosu od 0,5 % ukupne vrijednosti radova za svaku punu sedmicu kašnjenja s tim da ukupan iznos kazne-penala ne može preći 5 % ukupne vrijednosti ugovora iz člana 4. ovog Ugovora.

Ukoliko jedna ugovorna strana neurednim ispunjenjem ugovorene obaveze prouzrokuje štetu drugoj ugovornoj strani, dužna je to štetu nadoknaditi.

Ako šteta koju ugovorni organ pretrpi usljed neurednog ispunjenja ugovorenih obaveza izvođača, prelazi iznos ugovorene kazne, Ugovorni organ može zahtijevati od izvođača nadoknadu punog iznosa štete.

#### **Član 10.**

##### **(Rizik)**

Izvođač je dužan da čuva izvedene radove do uredne predaje objekta ugovornom organu.

Eventualnu štetu koja nastane u tom periodu, a koja nije rezultat više sile, snosi izvođač.

Ukoliko ugovorni organ upotrijebi objekat prije primopredaje i napravi bilo kakvo oštećenje, nema pravo tražiti od izvođača popravku tih radova bez naknade.

#### **Član 11.**

##### **(Primopredaja i konačan obračun)**

Kada svi radovi iz predmetnog ugovora budu izvedeni, izvođač je dužan da pripremi i uveže originale obračunskih dokumenata (građevinska knjiga, građevinski dnevnik i dr.), prospektni materijal, ateste, zapisnike o izvršenim kontrolama u toku izvođenja i kontrolama kvaliteta materijala, garancijske listove, itd, te o tome pismenim putem obavijestiti ugovornog organa i zatražiti primopredaju objekta i konačni obračun izvedenih radova.

Ugovorni organ i izvođač, uz prisustvo nadzornog organa, dužni su da pristupe internom tehničkom pregledu-prijemu odrađenih radova i konačnom obračunu radova u roku od 15 (petnaest) dana nakon dobijanja obavijesti iz prethodnog stava.

Primopredaju izvedenih radova izvršit će predstavnici ugovornog organa i izvođača, uz prisustvo nadzornog organa, nakon izvršenog internog tehničkog prijema i otklanjanja uočenih-evidentiranih nedostataka koji se pojave po izvještaju internog tehničkog prijema.

Nakon završetka radova izvođač je dužan sa gradilišta ukloniti preostali materijal, opremu i sredstva za rad i dr., te očistiti gradilište.

Nakon izvršenog internog tehničkog prijema i primopredaje, ugovorni organ je u obavezi da u roku do 15 dana izvrši isplatu po konačnom obračunu.

## **Član 12.**

### **(Garancija za avans)**

Izvođač se obavezuje da će u roku od 15 dana od obostranog potpisa ugovora dostaviti ugovornom organu безусловnu bankovnu garanciju za ukupan iznos avansa, a u skladu sa Članom 5. ovog Ugovora.

Bankovna garancija za avans će biti vraćena izvođaču u roku od 15 (petnaest) dana od izvršenog internog tehničkog prijema i primopredaje, uporedo sa isplatom po konačnom obračunu.

## **Član 13.**

### **(Garancija za dobro izvršenje posla)**

Izvođač se obavezuje da će prije početka izvođenja radova dostaviti ugovornom organu безусловnu bankovnu garanciju u iznosu od 20% od ukupne vrijednosti Ugovora bez PDV-a za dobro izvršenje posla (garancija za izvođenje u toku radova), sa rokom trajanja 30 dana nakon tehničkog prijema.

Ugovorne strane su saglasne da u slučaju nastanka šteta, kvara ili drugih kršenja ovog ugovora, ugovorni organ pismeno obavijesti izvođača radova i pozove ga da postupi po ugovoru, odnosno otkloni štete u roku koji ne može biti duži od 7 dana, zavisno od slučaja koji se desio.

Ukoliko izvođač ne otkloni štete, odnosno ne postupi po ugovoru shodno obavještenju ugovornog organa, ugovorni organ će podnijeti zahtjev za protest garancije, odnosno безусловnu naplatu.

Pokriće iz bankarske garancije ne oslobađa izvođača odgovornosti sve do namirenja stvarne štete.

Ukoliko ne nastupi ni jedan od slučajeva koji bi zahtjevali realizaciju garancije za garantni period, ugovorni organ će izvršiti povrat garancije na pismeni zahtjev izvođača radova u roku od 30 dana, a po isteku garantnog perioda.

## Član 14.

### (Garantni rok za izvršene radove)

Izvođač daje garanciju na kvalitet za sve izvršene radove u periodu od 12 (dvanaest) mjeseca u iznosu od 10% od ukupne vrijednosti Ugovora bez PDV-a, a koja počinje teći od primopredaje radova ugovornom organu, odnosno nakon internog tehničkog pregleda-prijema odrađenih radova, bez primjedbi.

U toku trajanja garancije za kvalitet izvršenih radova, na pismeni zahtjev ili e-mail ugovornog organa, izvođač će o svom trošku preduzeti mjere za otklanjanje svih nedostataka usljed grešaka u izvođenju.

U slučaju nedostataka u garantnom periodu, izvođač je dužan nakon pismene obavijesti ugovornog organa u roku od 24 (dvadesetčetiri) sata se odazvati, izvršiti pregled i napraviti zapisnik o nedostacima.

Obaveza izvođača je da odmah otkloni sitni nedostatak, a veći najduže u roku od 7 radnih dana od prijave kvara ugovornog organa.

Izvođač će u gore navedenim rokovima o svom trošku ukloniti sve nedostatke koji se pokažu u garantnom periodu.

Ukoliko se izvođač ne odazove i ne otkloni nedostatke, ugovorni organ stiče prava bezuslovne naplate garancije, odnosno ugovorni organ ima pravo da otkloni kvar na račun izvođača aktiviranjem bankovne garancije za garantni period. Ugovorni organ je pri tome dužan postupiti u skladu sa dobrim poslovnim običajima, odnosno za otklanjanje nedostataka u garantnom periodu neće utrošiti više sredstava nego što je to objektivno potrebno.

Ugovorni organ će izvršiti povrat garancije na zahtjev izvođača radova u roku od 30 dana od pismenog podnošenja zahtjeva, a po isteku garantnog perioda

## Član 15.

### (Viša sila)

Viša sila će podrazumijevati bilo kakav događaj izvan razumne kontrole od ugovornog organa ili izvođača kao što može biti slučaj, i koji je neizbježan i uprkos razumne pažnje strana, na koje utiče i koja dovodi do toga da je nemoguće realizirati obaveze iz Ugovora, odnosno koja čini ispunjavanje tih obaveza neizvodljivim.

Viša sila uključuje, bez ograničenja sljedeće:

- a) zemljotres, klizanje zemljišta, požar, poplavu, oluju, atmosferska pražnjenja ili druge vremenske neprilike ili druge prirodne katastrofe;
- b) štrajkove, sabotaze, sprječavanje rada, embargo, uvozne restrikcije, nedostatak uobičajenih sredstava javnog transporta i komunikacija, nedostatak ili restrikcija u



električnom napajanju, epidemije, karantini.

Ako je bilo koja strana spriječena, ometena ili je u kašnjenju u izvođenju bilo koje obaveze iz ovog Ugovora, zbog bilo koje više sile, onda će u pisanom obliku obavijestiti drugu stranu o slučaju takvog događaja i okolnosti u okviru 5 (pet) dana nakon što se događaj desio.

## Član 16.

### (Obavijesti)

Ukoliko nije drugačije navedeno u Ugovoru, sve obavijesti koje će biti date u skladu sa Ugovorom, će biti u pisanoj formi i biće poslane ličnom isporukom ili bilo kojim oblikom brze pošte, faxom ili e-mailom na adresu odgovarajuće strane.

Adresa ugovornog organa za slanje obavijesti je:  
Ministarstvo vanjskih poslova BiH, Musala br.2 71000 Sarajevo

Adresa izvođača za slanje obavijesti je:  
Telefon :  
Fax :

Bilo koja zabilješka ili obavijest poslana poštom ili e-mailom mora biti potvrđena u roku 24 (dvadesetčetiri) sata nakon otpreme.

Bilo koja zabilješka ili obavijest isporučena lično ili poštom ili faxom ili e-mailom, smatraće se isporučenom na datum otpreme.

U slučaju promjene poštanske, fax ili e-mail adrese ili adrese prijema takvih obavijesti ili zabilješki, odnosno podataka navedenih u ovom članu Ugovora, ugovorna strana je dužna o tome obavijestiti drugu stranu u roku od 7 (sedam) dana u pisanoj formi.

## Član 17.

### (Završne odredbe)

Ugovorne strane su saglasne da ako postoji bilo kakav spor bilo kakve prirode, koji je nastao između ugovornog organa i izvođača, a u vezi sa ili iz Ugovora, bilo da je nastao u toku izvršenja radova ili nakon završetka ili prije ili nakon prekida Ugovora, odustajanja ili neispunjenja odredbi Ugovora, rješavaju se sporazumno.

**Ukoliko se strane ne mogu složiti oko rješenja nastalog spora, za rješavanje spora nadležan je sud gdje se nekretnina nalazi.**

Ugovorni organ može raskinuti Ugovor jednostrano u sljedećim slučajevima:

- 1) ako izvođač dođe u situaciju da ne može izvršiti svoje obaveze iz Ugovora;

- 2) ako je kašnjenje u izvršenju radova, koji su predmet ovog Ugovora takvo da može dovesti u pitanje njegovo izvršenje;
- 3) ako izvođač izvrši radove suprotno tenderskoj dokumentaciji i prihvaćenoj ponudi;
- 4) ako ne izvrši primopredaju radova.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naveden razlog zbog kojeg se Ugovor raskida.

Ako ugovorne strane sporazumno raskidaju Ugovor, tim sporazumom regulisat će sva pitanja nastala povodom raskida Ugovora.

### Član 18.

Ovaj Ugovor zaključen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Ugovor stupa na snagu danom obostranog potpisivanja od strane ovlaštenih predstavnika ugovornih strana.

**ZA UGOVORNI ORGAN**  
**MINISTAR**

**ZA IZVOĐAČA**

\_\_\_\_\_  
**Igor Crnadak**

Broj: \_\_\_\_\_

Sarajevo: \_\_\_\_\_

\_\_\_\_\_  
Broj: \_\_\_\_\_

\_\_\_\_\_

**Konačna verzija ovog ugovora sačinjit će se po izboru najpovoljnijeg dobavljača.**